एलसीआईटी की छात्राएं मेरिट लिस्ट में

बिलासपुर। तकनीकी विश्वविद्यालय भिलाई ने सन 2014-15 के लिए मेरिट लिस्ट जारी कर दी है। गत वर्ष की भांति इस वर्ष भी शहर के प्रतिष्ठित लख्मीचंद महाविद्यालय के छात्रों ने मेरिट लिस्ट में स्थान बनाकर संस्था व अपने परिवार का नाम गौरवान्वित किया है।

लख्मीचंद इंस्टीट्यूट के डायरेक्टर ने बताया कि इस वर्ष पूरे प्रदेश में इस महाविद्यालय के सिविल इंजीनियरिंग प्रभाग की छात्रा निहारिका परिहार ने प्रथम स्थान प्राप्त किया जो इस महाविद्यालय की विशिष्ट उपलब्धि है। उन्होंने बताया कि मेरिट लिस्ट के तीसरे स्थान पर देविना दुबे ने पुनः इस महाविद्यालय को गौरवान्वित किया है। इस महाविद्यालय ने न केवल जिला स्तर पर बल्कि प्रदेशीक स्तर पर भी अपनी एक विशिष्ट पहचान बनाई है। गत वर्ष पल्लवी घनश्यानी ने विश्वविद्यालय की मेरिट लिस्ट में स्थान बनाकर इस महाविद्यालय को विशिष्ट पहचान दिलाई है। छात्राओं की सफलता पर लख्मीचंद इंस्टीट्यूट ने उनके उज्ज्वल भविष्य की कामना की है।